



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De Baptismo Et Confirmatione - Dvobus Libris Explicata

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XVII. Per Baptismum non fieri irrita omnia vota.

[urn:nbn:de:hbz:466:1-53934](https://nbn-resolving.de/urn:nbn:de:hbz:466:1-53934)

sum expressit Apostolus clarius, Coloss. 3. ubi iubet seruis, ut
domini suis seruant tanquam Christo, ita ut in homine, cui
seruant, non tam hominem considerent, quam Christum,
ob cuius amorem libenter subiiciuntur homini.

Ad alia loca respondimus in ultimo capite libri de Sacra-
mentis in genere.

CAPUT XVII.

Per Baptismum non fieri irrita omnia vota.

 **V**ARTA propositio: *Per Baptismum non sunt irrita omnia vota.* Hæc habetur can. 9. Concilij Tridentini, estque contra Lutherum in lib. de captiuitate Babylonica, cap. de Baptismo, & in libro de votis monasticis, necnon Caluinum in Antidoto, & Kemnitium in Examine huius can. 8. qui docent, per Baptismum liberari hominem ab omnibus votis, non solum quæ antea, sed etiam quæ postea fecerit, excepto illo uno, quod fit in Baptismo, cum promittimus nos Dei legem seruaturos.

Fundamenta ipsorum sunt. **Primo**, quia Deus in Testamento veteri disposuit de votis, quomodo fierent, & quando, & de quibus rebus. At in testamento novo Christus, & Apostoli nihil prescripsérunt, nisi unicam promissionem, quæ sit in Baptismo, Matthæi vlt. **Secundo**, quia vel vovere volunt res à Deo præceptas, aut non præceptas. Si præceptas, frustrà id facimus, cum in Baptismo voverimus omnia præcepta. Si non præceptas, iam pugnamus cum Baptismo, qui nos liberauit ab omnibus humanis inventionibus. **Tertio**, in Baptismo plus voverimus, quam implere possimus; ergo stultus est, qui aliquid aliud vovet, & iniuriam facit Baptismo, quasi votum in eo factum non sit sufficiens.

Sed hæc fundamenta debilia sunt. Nam ut ad **Primum** respondeamus, etiamsi Christus, & Apostoli nihil de votis prescripsissent, mirum non esset, cum vota sint de iure naturæ, ut patet ex voto Patriarchæ Iacob, Genes. 28. tamen falsum est Apostolos nihil de votis tradidisse, cum i. Timoth. 5. B. Paulus omnium interpretum consensu de voto continentiae loquatur, ubi dicit, viduas quasdam, si nubant damnationem habere, quia primam fidem irritam fecerunt.

Ad SECUNDVM respondeo, voueri posse, tum res praetatas à Deo, tum etiam res non præceptas, modò sunt res bona. Neque frustra vountur res præceptæ, tum quia per votum homo magis ligatur, & certior redditur implendi, tum enarrat quod sit ex præcepto, & ex voto, est actus duarum iuratum, & proinde excellētius, quam id, quod sit ex solo proprio. Vouere autem rem non præceptam, non est contra præceptum Baptismi, quia ut supra diximus, Baptismus liberatus est, non ab iis rebus quæ iuant ad vitanda peccata, & qui magis Deo subiiciunt, & cum Deo ligant, vt sunt vota. Neque dici possunt vota, humana iuenta, cum habeant in Scriptura commendationem, Psal. 7., *Vouere, & reddite*. Et Ecclesiastes. *Si quid voulisti Deo, non moreris reddere*. Neque potest responderi vota esse Testamenti veteris: nam liber Psalmorum & Ecclesiastes, in oralia documenta tradunt, quæ omnino continentur. Denique violatio votorum pugnat pœnitentia cum Baptismo. Nam profitemur in Baptismo, nos seruatores omnia Dei mandata; vnum autem est ex mandatis Dei, vivere solvantur, vt patet ex locis citatis.

Ad TERTIVM respondeo, falsum, & blasphemum est quod aduersarij assumunt, nos in Baptismo plus promittimus, quam implere possumus; id enim, & pugnat cum verbo Christi, qui Matth. 11. vocat legem suam iugum suave, & onus suum leue: & cum verbis Pauli, qui dicit Rom. 8. Christum mortuum esse, vt iustificatio legis impletetur in nobis: & cum Concilio Arausicanico II. can. 25. vbi definitur posse hominem baptizatum seruare omnia Dei mandata; & cum Basilio oratione in illud: *Attende ibi*, & cum aliis Patribus, qui dicunt, blasphemum esse afferere Dei mandata esse impossibilia. Neque putamus præmissionem in Baptismo factam esse insufficiētem. Est enim sufficiens ad suum finem, id est, ad saluandum hominem, licet addi aliquid possit, vt vel facilius, vel excellētius aliquis saluetur; quomodo non ideo Baptismus est insufficiēs, licet melius sit, baptizari & Eucharistiam sumere, etiam testimonio aduersariorum, quam solum baptizari: neque verbum Dei est insufficiens, licet melius sit, verbum Dei audire & Sacra menta suscipere, quam solum Dei verbum audire. Denique si Iudei in Circumcisione pollicebantur se Dei legem seruatos, & tamen præter ea vouere poterant multa alia, vt Kemni.

Kemnitius satetur, neque dici poterat Circumcisionis promissio insufficiens, cur non poterunt Christiani vovere aliquid, etiam si in Baptismo promiserint, se vniuersam Dei legem seruatores? aut cur dicetur Baptismi promissio insufficiens? Atque haec hoc loco sufficientia: nam devotis accurate disceruimus in disputatione de Monachis.

CAPVT XVIII.

*Sola memoria Baptismi non posse dimiti peccata,
quæ fiunt post Baptismum.*

 **V**INTA propositio: Non potest fieri, ut sola memoria, & fide suscepti Baptismi peccata remittantur, quæ post Baptismū fiunt, sed necessarium est Pœnitentiae Sacramentum. Haec habetur in 10. canone Concilij Tridentini, estque aduersus Lutherum libro de captiuitate Babylon. cap. de Baptismo. Caluinum lib. 4. Init. cap. 15. §. 3. & 4. & in Antidoto Cœciliij, & Kemnitium in censura huius can. 10.

Est autem PRIMO notandum, quæ sit ipsorum, & quæ Ecclesia sententia de hac re. Illigitur PRIMO docent, Baptismum non aliter iustificare, nisi subiicendo ante oculos professionem, & eo modo excitando fidem, quæ sola iustificat. SECUNDO, inde colligunt, cum quis peccat post Baptismum, poste per memoriam Baptismi iterum redire ad gratiā ipsam Baptismi. Nam sicut ipse Baptismus subiicit ante oculos professionem, ita etiam facit memoria, & cogitatio Baptismi: proinde ipsa etiam memoria excitat fidem, & eodem modo iustificat. Id quod etiam in aliis rebus videmus: nam si quis, visa insigni imagine crucifixi, mouetur ad amorem Christi crucifixi, certè etiam postea cum imaginem non videt, si mente recognoscere, & recordetur eam speciem, mouebitur. TERTIO, inde rursum colligunt Sacramentum Pœnitentiae nihil esse aliud, nisi ipsum Baptismum memoria, & fide repetitum. Et sicut post Baptismum non remanet illa satisfactio, nec sunt necessaria indulgentiae, nec Purgatorium post hanc vitam, ita existimant post Pœnitentiam, id est, post memoriam Baptismi nullam superesse satisfactionem, &c. QVARTO,